



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

§. I. De Amore sæculi, & Amore Dei.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

Scrinio-  
lium Spi-  
rituale. **lis** carnis sarcinam deposuerit, **læritia** sanitateq; sempiterna potierur.

**5.** *Emenda-  
sioni vi-  
ta in vi-  
gilandū.* **Eja,** amice charissime, observe-  
mus, oro, nos ipsos vigilanter, &  
ita vivere adnitamur, sicut decet  
veros Christianos. Transigamus  
omne reliquum tempus vitæ præ-  
sentis utiliter. In cunctis quæ  
agimus, spectemus purè laudem  
& gloriam Dei. Amemus Jesum,  
qui nos ardentissimo immensoq;  
amore diligit. Propter ejus ho-  
norè mortificemus in nobis pro-  
prijam pravamque voluntatem ac  
vitia pro viribus.

**6.** *Finis vi-  
ta respic-  
nata bea-  
titudi æ-  
terna.* **Subjiciamus & conformemus**  
nos in omnibus voluntati divi-  
næ. Geramus mentem humilem  
& resignatam, jugiter desideran-  
tes ac studentes placere Domino.  
Hac enim ratione tandem perve-  
niemus ad summum illud & ju-  
cundissimum bonum: quod ut  
possidere possimus, ad imaginem  
Dei creati, & pretioso Sanguine  
Christi redempti sumus. Perve-  
niemus, inquam, ad Deum, qui  
est amabilis abyssus, & fons to-  
tius lucis, vitæ, venustatis, ex-  
cellentiæ, dulcedinis & opulen-  
tiæ. Tunc verè beati erimus,  
videntes visionem, omnes pul-  
chritudines hujus mundi infinite  
præcellentem: contemplabimur  
enim in lumine gloriæ melliflu-  
um vultum Dei, & in eo per sua-  
vissimam fruitionem quiescemus,  
pacemque imperrurbabilem ob-  
tinebimus. Tunc inenarrabili  
abundabimus gaudio, & plenè

satiabimur, Deumque perfectè a-  
mabimus ac laudabimus in sæcu-  
la sæculorum. O quanta felici-  
tas est, ad claram Dei visionem  
pertingere! & quanta rursus in-  
felicitas, illa privari, atque in in-  
fernum demergi, ibique horribi-  
liter cruciari sine fine! Benè va-  
le in Domino, & ora pro me.

Eximiam illam partem Dia-  
logi D. Henrici Susonis, qua  
laudes & utilitates afflictionum  
explicantur, ac pleraq; alia pau-  
cis ab hinc diebus inserui Conso-  
lationi pusillanimum, ut gratifi-  
carer fratri tuo. Is eam facilè sibi  
comparabit, ubi à Typographo  
fuerit denuò excusa. Ceterum  
dicta ipsius Susonis, quæ ad te  
mitti volebas, hinc jam accipe.

## VIII.

ALIQVOT DICTA  
D. HENRICI  
SUSONIS.

## I. I.

*De amore sæculi, & amore DEI.*

1. *Miseræ cecitas hominum, qui DEVM non amant super omnia.*
2. *Felicitas illorum, qui per amorem purum Deo adhaerent & inhaerent.*
3. *Amabilitas Dei.*
4. *Et hic tam amabilis, nos tam inanimè los amare dignatur.*

Vir

Dicitur  
Sufonis.1.  
Nulla  
major ce-  
litas, quã  
nō aman-  
tium De-  
um.

**V**IR sanctissimus Dicoque  
charissimus Henricus Sufo,  
deplorās infelicitatem eo-  
rum, qui vano amore impliciti, &  
huic mundo profus dediti, De-  
um salutemque propriam negli-  
gunt, queritur coram Domino  
hoc ferè modo: *Profectò Domine,*  
*res est lamentatione digna, tot cor-  
da sancto amoris aprissima, tot præ-  
claras ac formosas, Deiq; imagine  
insignitas animas, quæ ex spiritali  
secuinito coniugio, Regina & Impe-  
ratrices effici, celosq; & terra domi-  
nari possent, tã stolidè & impru-  
denter se à te abalienare, atque in  
santam vilitatem abicere, ac sua  
sponè perire. Credo sanè, si te  
omnium interni obtutus ita cerne-  
rent, uti egote intueor, caducum  
omnem amorem è vestigio in illis ex-  
tinctum iri. Mirari satis nequeo,  
( licè quondam longè aliter affe-  
ctus fuerim ) posse animum cujus-  
quam ulla alia in re, quàm in te va-  
stissima abyssò, acquiescere.*

2.  
Sicut nul-  
la major  
felicitas,  
quàm a-  
mare De-  
um.

O bonum incomprehensibile, me-  
dullitusq; amplectendum! O dul-  
cissime DEVS, quàm venè agitur  
cum ea anima, quæ te unicè amat, &  
quàm tu divinis fulgoribus excellen-  
ter illustras, tibiq; viciniùs adjungis  
ac copulas! *Quantam illa ex te ce-  
lestem & mellifluam haurit conso-  
lationem, quanta amoris tui capit  
secreta blandimenta!*

3.  
Quàm  
amabili-  
Domi:

Tu purissimarum inestimabili-  
umq; voluptatum pelagus es im-  
mensum. *Quidquid amabilitatis,  
decoris, pulchritudinis ulla ratio-  
ne potest cogitari, id omne in te ul-*

*tra omnem modum reperitur. Ni-  
hil jucundum, nihil gratum aut  
plausibile ulla in creatura potest in-  
veniri, quod non purissima qua-  
dam ratione infinite copiosius & ex-  
cellentius in te existat. Quoties ego  
rerum pulchrarum species conspi-  
cio, cum calum, terram, silvas &  
campos, universumq; mundum a-  
nimo perlustro, & cuncta hæc vi-  
dentur mihi hujusmodi vocibus com-  
pellare cor meum: Pensita, quan-  
tùm ille amabilis & formosus sit,  
qui condidit nos, qui est totius pul-  
chritudinis fons.*

O Domine *† ESU*, quid exul-  
tationis ex te accipio? Certè dum  
cogito, me abs te celsissimo DEO  
amari, quidquid intra me est, præ  
gaudio colliquefcit. Prorsus ob id  
ego ex animo letor, quod tu usq; adè  
bonus es, quodq; meus es amicus, uti  
piè spero & confido.

4.  
Qui amat  
tam in-  
mabilem

*† Praxis ista crebra est apud S. Augu-  
stinum, citante R. P. Ioanne Lorino super  
Psalmum 59. ubi clamant creaturæ: Ipse fecit  
nos, & non ipsi nos. & idè omnes creaturæ  
de Deo inelamant homini: Hunc amemus,  
hunc amemus. Amemus pulchrum à quo omnia  
pulchra.*

## S. I I.

## De Passione Dominica.

1. Optimus modus considerandi Passionem Domini, ut virtutes in ea fulgentes imitemur.
2. Bonus valde & ille, quo ei copatimur: aut ob ejus beneplacitum ipsam, quamvis arido corde ruminamus.
3. Attenta meditatio passionis à panu Purgatorii præservat.
4. Methodus in Passionis meditatione obser- vanda, quatuor articulis comprehensa.

**I**DEM Sufo in Dialogo introdu-  
cit Sapientiam æternam, vide-  
licet

1.